

Nos Fercher, Chwefror y 4ydd, 2026
CYFARFOD Y CYNGOR TREF, 7yh, Siambr Cyngor Llanfairfechan ac ar-lein dros Teams

COFNODION

Yn bresennol: Cadeirydd: Dirprwy Faer Sharne-Marie Bellis; Maer Nia Jones; Cynghorydd Sir Cyng. Penny Andow; Cyng. Charlotte Davies; Cyng. Andrew Hinchliff BEM. Cyng. Chris Jones; Cyng. Alun Rhys Jones; Cyng. Christine Roberts; Clerc y Dref: Jayne Neal Dirprwy Glerc y Dref: Callum Morrison

1. Croesawodd y Dirprwy Faer Sharne-Marie Bellis bawb i'r cyfarfod a chytunwyd i recordio'r cyfarfod er mwyn llunio'r cofnodion. **Penderfynwyd derbyn a nodi**

2. Derbyn ymddiheuriadau am absenoldeb (DLIL 1972 Atodlen 12) Cyng. Rhys Griffiths. Cyng. Leena Farhat; Cyng. Preben Vangberg. **Penderfynwyd derbyn a nodi**

3. Derbyn datganiadau o ddiddordeb – (Diddordebau personol neu ragfarnus y gellir eu datgelu)
Datganwyd diddordebau personol gan y Cyng. N Jones. Nodwyd bod lwfans gofalu yn hawl statudol **Penderfynwyd derbyn a nodi**

4. Derbyn sylwadau ac ymholiadau gan y cyhoedd
Neb yn bresennol **Penderfynwyd derbyn a nodi**

5. Derbyn a chymeradwyo cofnodion Ionawr y 14eg, 2025, a'r Rhestr Weithredu (DLIL1972 Atodlen 12)
Cafodd y rhain eu dosbarthu'n flaenorol, a trafodwyd y materion canlynol

1. Mae'r goleuadau stryd o amgylch Cae Ffynnon a Ffordd Aber yn dal yn broblem, ond mae timau gwaith wedi bod allan i geisio mynd i'r afael â'r broblem

Cynigwyd gan y Cyng. C Jones Eiliwyd gan y Cyng. C Davies Yn Unfrydol Penderfynwyd cymeradwyo a nodi

6. Derbyn gwybodaeth am lunio datganiad cenhadaeth ar gyfer Cyngor Tref Llanfairfechan
Dim cynnydd pellach – Clerc i ymchwilio ymhellach gyda Chynghorau Tref eraill **Penderfynwyd derbyn a nodi**

7. Derbyn a chymeradwyo Adroddiad Cynllun Digwyddiadau 2026
Estynnwyd diolch i'r Dirprwy Glerc am lunio adroddiad cyllideb hollgynhwysol sy'n cynnwys awgrymiadau am y digwyddiadau sydd ar y gweill ar gyfer 2026/27. Nodwyd y bydd hyn yn helpu gyda symleiddio'r rhaglen a bydd yn cynnig gwybodaeth eglur ar gyfer y pwyllgor cyllid pan fyddan nhw'n ystyried opsiynau ar gyfer eu harchebiant 2027/28. Trafodwyd y ddogfen yn drylwyr, a'r cynllun digwyddiadau - Cytunwyd ar y digwyddiadau Codi Sbwriel; Llanfairfechan yn Dathlu; Yr Wythnos Fawr Werdd; Y Gystadleuaeth Castell Tywod; Diwrnod Cymunedol Pendalar; Digwyddiad Dinesig y Maer; Noson Tân Gwylt; Gŵyl y Merlod Gwylt (yn amodol ar gyllid allanol); Sul y Cofio; Dathliad y Gwirfoddolwyr; Farchnad y Nadolig gydag ambell amod:

1. Digwyddiad Codi Sbwriel – Gwahodd y Rotari, U3A, y Brownies a gwirfoddolwyr Grwpiau Cymunedol i ymuno.

2. Llanfairfechan yn Dathlu – Gellid ei gysylltu gydag ail-agoriad y pwll padlo ar ei newydd wedd ym mis Mai. Gwahodd y Cynghorydd Sir i fod yn rhan o hyn.

3. Yr Wythnos Fawr Werdd – Nodwyd bod y digwyddiad hwn wedi'i arwain gan sesiynau grŵp cymunedol a rôl y Cyngor Tref ydy llunio'r gwaith marchnata, y rhaglen a chynnig cymorth i'r grwpiau. Dylid gwahodd Grŵp Rhandiroedd y Rotari i ymuno ar gyfer y sesiwn ar ddydd Mawrth – mae'n bwysig hysbysebu'r cyfleuster cymunedol gwerthfawr hwn. Mae croeso i bawb ddod i'r rhandir ac mae'n gwbl addas ar gyfer cadeiriau olwyn ac unrhyw un sydd ag anghenion ychwanegol. Dylid ystyried defnyddio'r Clwb Croquet i weld os hoffan nhw gymryd rhan. Nodwyd y bu'r ymateb i'r gystadleuaeth lluniau'n ardderchog ac mae angen mynd ati i feddwl am y gwobrau ar ei gyfer.

4. Cystadleuaeth Castell Tywod – Mae hwn wedi'i drefnu ar gyfer y Diwrnod Castell Tywod Cenedlaethol ac mae ar gychwyn yr wythnos Diwrnod Chwarae Cenedlaethol. Dylid chwilio am nawdd a chyfraniadau gwobrau ar gyfer y digwyddiad i annog busnesau lleol i fod yn rhan ohono. Tim i gysylltu gyda Sional fel posibilrwydd.

5. Diwrnod Cymunedol Pendalar – Cytunwyd bod yr hufen iâ am ddim i wirfoddolwyr yn rhan bwysig o hyn gan ei fod yn gadarnhaol dros ben.

6. Digwyddiad Dinesig y Maer – Mae yna ddigwyddiad dinesig traddodiadol wedi'i drefnu ar gyfer 2026/27. Byddai hyn yn cynnwys gwasanaeth yng Nghapel Zinc yna bwffe yn siambr y Neuadd Gymunedol. Mae'r digwyddiad hwn wedi'i ariannu gan Lwfans y Maer ac ni fydd unrhyw gost o'r gyllideb graidd.

7. Digwyddiad Tân Gwylt – Clerc i holi am brisiau sefydlog ar gyfer y digwyddiad am y tair blynedd nesaf fel diolch am yr ymrwymiad rheolaidd. Dirprwy Glerc i drefnu cytundeb ar gyfer y gwaith hwn.

8. Gŵyl y Merlod Gwylt – Caiff hwn ei ariannu'n allanol a bydd cost o'r gyllideb graidd. Y gobaith ydy y bydd modd ehangu brand Gŵyl y Merlod Gwylt a denu noddwyr busnes yn y dyfodol. Does yna ddim Gŵyl y Merlod Gwylt arall ac mae'n gyfle unigryw ar gyfer y dref.

9. Digwyddiad Coffa Llanfairfechan – Dim newid ond nodwyd bod mwy o bobl yn dod iddo pob blwyddyn ac mae'n rhaid cau'r ffordd o ganlyniad i'r dorf o bobl sy'n ymgynnull ger y senotaff. Soniwyd hefyd bod yr orymdaith yn

werthfawr. Mae'n rhaid sicrhau bod y system cau ffordd yn fwy llym, ac awgrymwyd dwyn i ystyriaeth opsiynau cau ffordd eraill i sicrhau'r gwerth gorau. Nodwyd bod talu am gymorth sain proffesiynol wedi gwneud gwahaniaeth aruthrol ac mae werth yr arian heb os.

10. Dathliad y Gwirfoddolwyr – Cafodd ei gydnabod bod hwn yn dal yn cael ei ddatblygu fel digwyddiad newydd, ond nodwyd bod y digwyddiad hwn, yn enwedig, wedi ennyn diddordeb y gymuned ac yn cydnabod gwerthoedd cymunedol Llanfairfechan. Cynigwyd bod y bwffe yn cael ei ariannu'n uniongyrchol gan y Cyngor Tref er mwyn sicrhau bod y digwyddiad yn cael ei gynnal bob blwyddyn.

11. Farchnad y Nadolig – Gan na fydd y ffair bleser yn mynychu am ddim bellach, y staff i ymchwilio amrywiaeth o opsiynau ar gyfer y gweithgareddau tu allan a gofyn i CBS Conwy am gyngor am gau ffyrdd a rheoli torfeydd ar gyfer 1100+ o bobl. Penderfynwyd cymeradwyo'r holl ddigwyddiadau gydag unrhyw amodau pellach i ddychwelyd i'r cyngor pan fo angen

8. Derbyn a chymeradwyo Dyddiadau'r Sgip Cymunedol

Cafodd y rhain eu dosbarthu'n flaenorol ac fe gytunwyd arnyn nhw:



Cyngor Tref
Llanfairfechan
Town Council

Sgip Gymunedol Llanfairfechan Community Skips 2026 / 2027

Maes Parcio Ffordd Yr Orsaf Station Road Car Park

- Dydd Mercher Wednesday 15/04/2026 9am
- Dydd Mercher Wednesday 2 0/05/2026 9am
- Dydd Mercher Wednesday 17/06/2026 9am
- Dydd Mercher Wednesday 15/07/2026 9am
- Dydd Mercher Wednesday 19/08/2026 9am
- Dydd Mercher Wednesday 16/09/2026 9am
- Dydd Mercher Wednesday 21/10/2026 9am
- Dydd Mercher Wednesday 18/11/2026 9am
- Dydd Mercher Wednesday 16/12/2026 9am
- Dydd Mercher Wednesday 20/01/2027 9am
- Dydd Mercher Wednesday 17/02/2027 9am
- Dydd Mercher Wednesday 17/03/2027 9am

Mae'r sgipiau hyn i helpu'r trigolion hynny na allan nhw ddefnyddio Canolfan Ailgylchu Mochdre – Ailgylchu Bryson. Ewch â'ch eitemau yno os allech chi. Defnyddiwch gynlluniau ailgylchu a gwastraff ar garreg y drws gan Gyngor Bwrdeistref Sirol Conwy lle bo modd. Cofiwch fod tipio anghyfreithlon yn drosedd a bydd Cyngor Bwrdeistref Sirol Conwy yn erlyn troseddwy'r.

These skips are to help residents who cannot use the Mochdre Recycling Centre - Bryson Recycling. Please take your items there if you can. Please use Conwy County Borough Council kerbside recycling and waste schemes where possible. Remember that flytipping is an offence and Conwy County Borough Council will prosecute offenders.

Ffordd Llannerch Road

Dydd Mercher Wednesday 13/05/2026 9am
Llannerch Road layby opposite the fire station

Pendalar

Dydd Mercher 12/08/2026 9am
In the car park by the play park and MUGA

Nant y Berllan / Nant-y-felin

Dydd Mercher Wednesday 23/09/2026 9am
Nant-y-felin bridge



Ni dderbynnir unrhyw wastraff gan
Fasnachwyr nac arwyddo faniau
ysgrifenedig.


No waste will be accepted from Traders or
sign written vans.



Bydd person dibynadwy yn bresennol i gludo
eitemau metel sgrap oddi yno.

There will be a reputable person in
attendance taking away scrap
metal items.

Provided by Llanfairfechan Town Council buying in services from Worldcare Wales Ltd



#ProtectingOurCommunity

#DiogeluEinCymuned



Estynnwyd diolch i bawb a oedd ynghlwm â hyn a chafodd ei gydnabod bod y prosiect yn llwyddiannus ac yn derbyn digonedd o gefnogaeth gan y preswylwyr.

Cynigwyd gan y Cyng. N Jones Eiliwyd gan y Cyng. C Davies Yn Unfrydol

Penderfynwyd

cymeradwyo a nodi

9.Derbyn a chymeradwyo Amserlen Cyfarfodydd y Cyngor ar gyfer 2026/27

Cafodd ei ddsbarthu'n flaenorol ac fe nodwyd ei fod wedi'i ddarllen:



AMSERLEN CYFARFODYDD Y CYNGOR TIMETABLE OF COUNCIL MEETINGS 2026 / 2027

PWYLLGOR	COMMITTEE	DYDDIAD / DATE
Cyngor Llawn	Full Council	08/04/2026
Cyngor Llawn	Full Council	29/04/2026
Cyfarfod Blynyddol	Annual Meeting	20/05/2026
Cyngor Llawn	Full Council	10/06/2026
Cyngor Llawn	Full Council	01/07/2026
Cyngor Llawn	Full Council	22/07/2026

Summer Break

Cyngor Llawn	Full Council	09/09/2026
Cyngor Llawn	Full Council	30/09/2026
Cyngor Llawn	Full Council	21/10/2026
Cyngor Llawn	Full Council	11/11/2026
Cyngor Llawn	Full Council	02/12/2026

Christmas Break

Cyngor Llawn	Full Council	13/01/2027
Cyngor Llawn	Full Council	03/02/2027
Cyngor Llawn	Full Council	24/02/2027
Cyngor Llawn	Full Council	17/03/2027

Lleoliad / Location:

**Nos Fercher am 7yh,
yn Siambr y Cyngor
Neuadd Gymunedol, Ffordd y Pentref,
Llanfairfechan**

**Wednesday 7pm
in the Council Chamber
Community Hall, Village Road,
Llanfairfechan**

Dyddiadau ac amseroedd yn gywir ar adeg gyhoeddi, ond efallai y bydd newid o bryd i'w gilydd.
Dates and times are correct at time of publishing but may be subject to change from time to time.

Cynigwyd gan y Cyng. N Jones Eiliwyd gan y Cyng. C Jones Yn Unfrydol Penderfynwyd cymeradwyo a nodi

10. Derbyn gwybodaeth ac ystyried cymorth ar gyfer Prosiect Precious Polymers Crest

1. Nod y prosiect hwn ydy gweithio gyda grwpiau cymunedol lleol a grwpiau ieuentid a noddi grwpiau i ddeall yn well y mathau o blastig, sut i leihau halogiad a beth ellir ei ailgylchu. Cytunwyd anfon llythyr o gefnogaeth at y prosiect hwn.

2. Anfonodd Cymdeithas Rhieni ac Athrawon Ysgol Babanod e-bost hefyd yn gofyn am lythyr o gefnogaeth ar gyfer cais i Ddŵr Anafon i ail-beintio'r llinellau ar y maes chwarae.

Cynigwyd gan y Cyng. P Andow Eiliwyd gan y Cyng. A Hinchliff Yn Unfrydol Penderfynwyd cymeradwyo a nodi

11. Derbyn a chymeradwyo adroddiadau ariannol a'r taliadau cyfredol ar gyfer Chwefror y 4ydd, 2026

Cafodd yr holl wybodaeth ei dosbarthu ac nid oedd unrhyw faterion yn codi.

Cynigwyd gan y Cyng. P Andow Eiliwyd gan y Cyng. A Hinchliff Yn Unfrydol Penderfynwyd cymeradwyo a nodi

12. Derbyn gwybodaeth am faterion cynllunio:

Aeth aelod o Dîm yr Amgylchedd i'r safle i asesu'r coed sy'n rhan o'r cais.

0/53133 – 34 Parc Henblas, Llanfairfechan LL33 0RW Nodwyd y byddai'r cypreswydd yn elwa o'r gwaith arfaethedig.

Mae'r Cyngor yn argymhell bod yr ymgeiswyr yn dilyn canllawiau'r Swyddog Coed.

0/53163 – 2 Mona View, Ffordd yr Orsaf, Llanfairfechan LL33 0AR

Aeth aelod o Dîm yr Amgylchedd i'r safle i asesu'r coed sy'n rhan o'r cais.

Nodwyd na fyddai'r coed yn elwa o'r gwaith arfaethedig. Mae'r Cyngor yn argymhell bod yr ymgeiswyr yn dilyn canllawiau'r Swyddog Coed

Penderfynwyd derbyn a nodi

13. Derbyn gohebiaeth

1. Gwrychoedd y Lawnt Fowlio – Hysbysodd Clwb Bowlio Llanfairfechan bod CBS Conwy bellach wedi torri'r gwrychoedd. Mae hyn yn newyddion da, ond nodwyd bod y gwaith braidd yn hwyr. Mae hyn o ganlyniad i broblemau gyda pheiriannau torri CBSC.

2. Bws 75 ddim yn stopio – mae angen casglu gwybodaeth bellach am hyn. Y Clerc i gysylltu gyda Llew Jones i'w holi am eu sylwadau nhw.

3. Meinciau CBSC ar y Prom – Gohebiaeth gyda Harbwrfeistr Conwy. Mae'r fainc sydd wedi torri wedi'i thynnu bellach ond nodwyd bod sawl mainc ar hyd y rhan hwnnw, felly nid yw'n fawr o bryder. Mae'r harbwrfeistr wedi'i atgoffa o brosiect meinciau Cyngor Tref Llanfairfechan fel a ganlyn:

Mae gan y Cyngor Tref brosiect meinciau coffa ac maen nhw'n fodlon iawn cynnig plac coffa am breswlydd fel rhan o'r trefniant hwn. Y gobaith ydy y bydd y weithdrefn hon yn fodd i fwy o breswylwyr fanteisio ar yr opsiwn i brynu plac er cof am eu hanwyliaid.

Mae gan y Cyngor Tref awdurdodaeth dros y meinciau canlynol:

1 x gyferbyn ag ysgol Pant y Rhedyn

1 x Ffordd y Dyffryn ger y bont droed i Ffordd y Felin

2 x Ger y Groesffordd

2 x mainc metel ar y cob

4 x mainc bren ar Y Cob (Sylwch – does dim lle ar ôl ar y rhain ar gyfer placiau)

Mae'r Cyngor Tref wedi cytuno bod modd ychwanegu hyd at dri phlac at bob mainc metel a dau ar bob mainc bren er mwyn i ragor o breswylwyr achub ar y cyfle.

Bydd y Cyngor Tref yn parhau i fod yn berchen ar y fainc, a byddwn yn sicrhau bod y meinciau'n cael eu cynnal i safon dda. Caiff y placiau eu cadw yno am 20 mlynedd, ac yn dilyn hynny mae'n bosibl y bydd y Cyngor Tref yn cysylltu gyda chi i ofyn a hoffech chi adnewyddu'r plac neu ei dynnu.

Mae'r placiau coffa yn 10cm x 5cm a gallwn eu harchebu gan Cawthray yn Llandudno ac yna'u gosod. Gallwch ddewis prynu plac pres am £45.00 a byddwn yn gofyn ichi dalu am gost y plac.

4. Cafnau a Draeniau CBSC – derbyniwyd gwybodaeth gan CBS Conwy:

a. Cafnau a draeniau

Rydym yn parhau i gyflawni gwaith archwilio diogelwch priffyrdd rheolaidd arferol, yn unol â'n Polisi Cynnal a Chadw ac Archwilio Priffyrdd. At hyn, rydym yn cyflawni gwaith glanhau cafnau cyfyngedig i fynd i'r afael ag ôl-groniad o adroddiadau. Gallwch adrodd am unrhyw feysydd neu faterion sy'n peri pryder yma: <https://erf.reporting.conwy.gov.uk/>.

b. Ffyrdd, dail a malurion

Yn ddiweddar bu inni wynebu heriau logistaidd sylweddol oherwydd offer yn torri. O ganlyniad, rydym wedi ymgysylltu gyda chontractwyr allanol i gefnogi ein darpariaeth fewnol, ac rydym wrthi'n mynd i'r afael ag ôl-groniad o geisiadau gwasanaeth. Gallwch adrodd am unrhyw feysydd neu faterion sy'n peri pryder ychwanegol yma: <https://erf.reporting.conwy.gov.uk/>.

c. Os ydy'r broblem gyda'r Goleuadau Stryd yn dal yn bodoli, mae'n bosibl y byddwch yn dymuno cysylltu gyda'r tîm Goleuadau Stryd yn uniongyrchol ar street.lighting@conwy.gov.uk am y diweddaraf.

5. Toiledau Cyhoeddus CBSC – Rydym wedi derbyn e-bost gan CBS Conwy bod yn rhaid i'r Cyngor Tref gychwyn talu am y cyfleustodau yn nhoiledau Ffordd y Pentref gan eu bod bellach yn cael eu cydnabod fel perchnogion y safle. At hyn, cytunwyd na ddylid ail-agor uned Toiledau Ffordd yr Orsaf, sydd wedi bod ar gau yn sgil y gwaith adeiladu sydd ei angen, ac nid yw'r Cyngor Tref yn bwriadu cymryd yr awenau drosto fel uned storio.

At hyn, mae gwybodaeth bellach wedi'i anfon allan ynghylch: noddï Toiledau'r Promenâd:

Gwelwch yr ymatebion isod i ymholiadau diweddar yn gysylltiedig â'r uchod:

a. Beth sydd wedi'i gynnwys yn y costau noddï?

Mae'r nawdd y gofynnwyd amdano yn cynnwys cyfleustodau, costau gweithredu, atgyweiriadau, trafndiaeth a chostau gweithwyr.

b. Beth ydy'r oriau agor yn 2026/27?

Bydd yr oriau agor yr un fath ag y maen nhw yn 2025/26.

c. Sut mae'r costau noddi ar gyfer 2026/27 wedi'u cyfrifo?

Mae cyfanswm y nawdd a dderbyniwyd gan yr holl gynghorau tref a chymuned yn cyfrannu tuag at lai na hanner y gost o ddarparu'r gwasanaeth cyfleustra cyhoeddus.

Gan hynny, mae'r Strategaeth Toiledau Lleol sy'n ceisio sicrhau bod y gwasanaeth yn gynaliadwy yn gofyn am gynydd mewn nawdd, sydd wedi'i gyfyngu ar 7% ar gyfer 2026/27.

Cyflenwi a gosod arwydd safonol 'Noddir gan Gyngor Cymuned/Tref xxx' at fynedfa (mynedfeydd) yr holl gyfleusterau cyhoeddus yn y cynllun nawdd.

Fel y cytunwyd ar 14/01/26 caiff y camau gweithredu canlynol eu cyflawni i ddarparu hyn.

a) Cynghorau Tref a Chymuned i gytuno ar y fanyleb arwyddion

b) CBS Conwy i gaffael 3 dyfynbris ar gyfer cynhyrchu arwyddion a threfnu cyfieithu'r testun y cytunwyd arno.

c) Yn amodol ar gytundeb yr holl gynghorau tref a chymuned, CBSC i archebu a threfnu gosod yr arwyddion ac anfonebu'r cynghorau tref a chymuned

6. Baner Ffordd yr Orsaf Mae un wedi'i dynnu i lawr ar gais preswlydd

7. Mae preswylwyr wedi bod mewn cyswllt â'r Aelod Cabinet am y Cynllun Amddiffyn Rhag Llifogydd

Mae e-bost pellach wedi'i dderbyn gan Reolwr y Tîm Amddiffyn rhag Llifogydd ond does dim gwybodaeth bendant am y gwaith yn y cyfamser sydd bellach yn ddyledus o dan y cynnig gan CBS Conwy o 12 wythnos. Caiff gweithgor ei sefydlu, a chytunwyd y dylai'r Dirprwy Clerc fod yn aelod o'r grŵp. Roedd yr aelodau etholedig yn anhapus dros ben gyda'r lefel o gyfathrebu a'r Clerc i anfon e-bost gadarn yn gofyn am wybodaeth ymhen 7 diwrnod. Soniwyd am y maes parcio anorffenedig hefyd fel mater a'r Clerc i anfon e-bost at GSBC am ymateb.

Penderfynwyd derbyn a nodi

14. Derbyn adroddiadau o wahanol gyfarfodydd a digwyddiadau

1. Cyfarfod gyda Chyngor Sir Gwynedd a Kehoes ynghylch Morfa Madryn

Bu i gyfarfod cadarnhaol ddangos mae'n bosibl y gallai Gyngor Gwynedd fanteisio ar gyllid ar gyfer y gwaith yno. Y Clerc i anfon llythyr o gefnogaeth am hyn.

2. Digwyddiadau ar y gweill – Marchnad Bwyd a Chrefftau gyda thema Sant Ffolant ar ddydd Sul, Chwefror yr 8fed. Mae sesiwn wybodaeth Cynllun Datblygu Lleol Newydd y Cyngor Tref ar ddydd Llun y 9^{fed} o 9yb.



Llanfairfechan's
Food and Artisan Market

Valentine's Prep!

Looking for that perfect Valentine's Gift?

Personalised Gifts
Personalised Cakes
Jewellery
Crafts and Artwork
And More!!!

Sunday 8th February, 12 - 4pm
Llanfairfechan Community Hall
Free Entry



Cyngor Tref Llanfairfechan Town Council

Llanfairfechan RLDP Info Day

Have Your Say!

Conwy County Borough Council's **Replacement Local Development Plan (RLDP)** is currently out for public consultation from **12 January – 8 March 2026**. This major planning document will shape where new homes, green spaces and employment sites may be located across Conwy for the years ahead.

Join us at our dedicated **Llanfairfechan RLDP Info Day** to explore the plans, understand what they mean for our community, and share your views.

Monday 9th February
10am – 7pm
Llanfairfechan Community Hall – Council Chamber

The RLDP consultation is a key opportunity for residents, businesses, and community groups across Conwy to have their say on future development before the plan progresses further.

3. Cyfarfod gyda'r grŵp partneriaeth am ddamweiniau a digwyddiadau ar yr A55 – bydd y Cynghorydd Sir yn adrodd yn ôl yn y cyfarfod nesaf

Penderfynwyd derbyn a nodi popeth

15. Derbyn canmoliaethau, cwynion a materion brys i'w dwyn i ystyriaeth a'u cofnodi ar gyfer cyfarfodydd yn y dyfodol.

1. Mynegwyd tristwch am farwolaeth y cyn-Gyng. Janet Thomas ac fe anfonwyd cydymdeimladau at ei merch a'i theulu. Cynhelir yr angladd ar Chwefror yr 20fed 2026 ym Mochdre gyda chais i wisgo dillad lliwgar. Mae'r teulu wedi cytuno i gasglu rhoddion ar gyfer yr elusennau – Uned Arennol a Neuadd Gymunedol Llanfairfechan.
2. Grŵp Ymgysylltu gyda Chleifion (PEG) wedi'i drefnu ar gyfer Chwefror y 9fed – anfonwch unrhyw ymholiadau am y Feddygfa.
3. Dim biniau gwastraff yn yr orsaf drenau – mae hyn yn sgil deddfwriaeth Llywodraeth Cymru. Mae'n annhebygol y bydd y biniau'n dychwelyd.
4. Hysbysiad o arwyddion ffordd dryslyd ger y gwaith ffordd ar Ffordd yr Orsaf. Bydd y Cynghorwyr yn siarad gyda'r gweithwyr ffordd
5. Cam-drin yr Henoed – adroddiad am drwyddedau gyrru'n cael eu cymryd gan bobl hŷn heb wiriad gan feddyg. Rydym wrthi'n mynd i'r afael â hyn. Bu hefyd rhywfaint o wybodaeth ynghylch sicrhau bod pobl hŷn yn derbyn y budd-daliadau sydd i'w cynnig. Mae'r dolenni wedi'u rhannu ar-lein ac yn y neuadd.



Call Advicelink Cymru
on 0800 702 2020
to check and
claim what's yours.



6. Cwyn gan ymwelydd ynghylch parcio yn y maes parcio – maen nhw wedi dweud na fyddan nhw'n dychwelyd i Lanfairfechan.

Daeth y cyfarfod i ben am 10:02 yh